

小兒痘疹方全

ヤ 9

1067



小兒痘

宋人
陳文中著

約1200A

1067

三日發熱 三日出痘 三日起脹 三日貫膿 三日收靨



小兒痘疹方目錄

論痘疹致病之由

論痘疹治法

類集痘疹已效名方

又附方

製附子法

丹溪先生解瘡毒藥

稀痘方

小兒痘疹方 目錄

小兒痘疹方目錄終

又
讀
備
小兒痘疹方目錄



陳氏小兒痘疹方論

古吳薛已註

後學蔣宗澹校

嘗謂小兒病證雖多而瘡疹最為重病何則瘡疹之病蓋初起疑似難辨投以他藥不惟無益抑又害之况不言受病之狀孰知畏惡之由父母愛子急於救療醫者失察用藥差舛鮮有不致夭橫者文中每思及此惻然於心因取家藏已驗之方集為一卷名之曰小兒痘疹方論刻

小兒痘疹方

稗流布以廣古人活幼之意顧躋歟

和安郎判大醫局兼翰林良醫陳文中謹書

論痘疹受病之由

夫小兒在胎之時乃母五臟之液所養成形也其母不知禁戒縱情厚味好啖辛酸或食毒物其氣傳於胞胎之中此毒發為瘡疹名曰一穢液毒○一五臟六腑穢液之毒發為水泡瘡○一皮膚筋肉穢液之毒發為膿水泡瘡○一氣血骨髓穢液之毒發為膿血水泡瘡○一毒既出發為疹痘瘡也

子母俱忌食葱韭薤蒜醋酒鹽醬獐兔鷄犬魚腥等物世俗未曉將為發舉往往不顧其後誤傷者多矣

論痘疹治法

凡小兒瘡疹未出已出之間有類傷寒之狀憎寒壯熱身體疼痛大便黃稠此正病也若無他疾不必服藥

愚按痘疹若小兒首尾平和自有勿藥之喜蓋其腸胃軟弱易為虛實故必不得已折其太過

益其不足可也

凡療瘡疹先分表裡虛實如表裡俱實者其瘡易出易屬表裡俱虛者反是表實裡虛者其瘡易出難屬表虛裡實者亦反是若始出一日至十日渾身壯熱大便黃稠乃表裡俱實其瘡必光澤起發滿肥且易屬也

愚按治痘疹之法與癰疽無異若邪氣在裡而實熱者用前胡枳殼散元氣怯而虛熱者用參芪四聖散虛弱者用紫草木香湯虛寒者用參

芪內托散虛寒內脫者用木香散若邪氣在表而實熱者用麻黃甘葛湯此要法也餘見各症凡瘡疹已出未出之間或瀉渴或腹脹或氣促謂之裡虛急用十一味木香散治之

愚按經云真氣奪則虛邪氣勝則實實謂邪氣實而真氣虛也然倒屬瀉渴等症若喜熱飲食手足並冷或不食嘔吐者是為陽氣虛寒也用辛熱之劑補之喜冷飲食手足不冷或唇舌黑裂者陽氣實熱也用苦寒之劑瀉之

凡瘡疹已出未愈之間不光澤不起發不紅活謂之表虛急用十二味異功散治之

愚按張翼之云吐瀉少食為裡虛陷伏倒靨灰白為表虛二者俱見為表裡俱虛用異功散救之甚至薑附靈砂亦可用若止裡虛減官桂止表虛減肉苁蓉若能食便閉而陷伏倒靨者為裡實輕用射干鼠粘子湯重用前胡枳殼散下利吐瀉能食為裡實若用實裡則結癰毒紅活綻凸為表實若用補表則潰爛不結痂凡痘一

見癍點便忌葛根湯恐發得表裡也

凡痘瘡已出未愈之間不光澤不起發不紅活或腹脹或瀉渴或氣促謂之表裡俱虛急用十二味異功散送七味肉苁蓉丸治之

愚按前症審係表裡虛寒急用前法緩則不救○小兒出痘不起發紅活腹脹瀉渴皆以為不治施院使謂表裡虛寒用十二味異功散一劑即起發紅活諸症頓退又用參芪內托散貫膿而靨○儒者薛戒甫子五歲出痘二十四日下

紫血日數滴至八日不止而瘡不起御醫錢春
林謂脾氣虛寒用木香散一劑用丁香十一粒
人參五錢一日服之次日痘皆起而有膿由是
血漸止二十餘日而愈○一小兒起發紅活但
不時作痒口乾作渴便血面赤發熱先君謂腸
胃有熱先用濟生犀角地黄湯加柴胡一劑諸
症漸退形體倦怠此邪氣去而形氣虛弱耳用
四君子湯加當歸黃芪紅花一劑而安○一小
兒痘瘡赤痛煩熱作渴或便血或衄血先君用

犀角地黄湯而血愈又用紫草快癩湯加黃芪
芍藥而愈後瘡痕色白用四君歸芪治之而痊
○一小兒出痘吐血其痘赤痛如錐或瘡出血
余謂肝火熾盛用小柴胡湯加生地一劑隨用
濟生犀角地黄湯一劑頓愈又用芹菜汁而痊
○一小兒痘瘡下血而不起發先君謂氣血不
足用紫草快癩湯加參芪歸朮治之血止瘡起
但貫膿遲緩用八珍湯倍加參芪數劑瘡靨而
根白痒此氣血虛而熱也用八珍湯二十餘劑

而愈○一小兒痘疹大便下血小便甚赤瘡顯
色赤發熱飲冷先君謂熱毒鬱滯先用八正散
一劑後用解毒防風湯一劑頓愈又飲芹菜汁
而全痊○一小兒痘正發而便血倦怠少食作
渴飲湯余謂倦怠便血此脾虛而不能攝血也
少食作渴此脾虛而津液短少也用五味異功
散加升麻紫草治之而愈○一小兒便血腹脹
困倦發熱口乾飲湯四肢逆冷先君以爲脾氣
虛寒不能攝血用五味異功散加丁香十粒炮

薑五分一劑血止痘貫而靨○一小兒七歲患
痘瘡腹脹八九日矣先君云當急補脾土不信
仍服消毒之藥忽大便下血甚多而歿○一小
兒作渴泄瀉發熱飲冷唇舌皴裂瀉糞穢臭先
君以爲內熱所作用前胡枳殼散一劑稍愈又
用清涼飲加漏蘆乳母服之兒頓安

凡小兒斑駁疹毒之病俗言疹子是肺胃蘊熱因
時氣薰發於外狀如蚊蚤所咬赤則十生一死黑
則十死一生大抵遇春而生發至夏而長成乃陽

小兒痘疹方 六
氣薰蒸故得生成者也臟腑調和血氣充實則易
出易靨蓋因內無冷氣外常和暖也凡痘疹熱渴
切不可與瓜柿蜜水等冷物及清涼飲消毒散等
藥恐損脾胃則腹脹喘悶寒戰咬牙而難治蓋咬
牙者齒稿也乃血氣不榮不可妄作熱治

愚按前症若兼吐瀉手足指冷者屬內虛寒而
外假熱也急用木香散如不應異功散若太
便不通渴欲飲冷者則前所禁蜜水之類又當
用矣但宜審其熱之虛實若屬虛熱者雖欲水

拒之而不飲當用人參白朮散熱渴自止屬實
熱者自甚索水且喜而飲之當以犀角磨水服
諸症即解其後亦無餘毒之患矣北方出痘不
拘冬夏若喜冷者再不用藥但與水飲無有不
愈蓋北方地燥而又曝熱炕故也○一婦人患
時疫將愈更出痘瘡大起發體倦痛甚則昏憤
煩渴飲湯不思食用十全大補湯及朱砂末其
痛頓止食進體健仍用前湯倍加參芪十餘劑
而貫膿又數劑而愈○一妊婦發熱作渴遍身

骨節作痛用仙方活命飲一劑諸症稍愈至十
一日出痘百餘顆形氣甚倦用紫草木香散又
出少許但口乾作渴用人參白朮散而渴止用
八珍湯加丹皮柴胡而貫膿後去丹皮柴胡倍
加參芪數劑而痘靨○一男子年將三十出痘
根窠赤痛發熱作渴服紫草飲之類前症益甚
痘裂出血余用小柴胡加生地犀角一劑諸症
頓減又用聖濟犀角地黃湯而貫膿再用八珍
湯而結痂○一小兒煩燥飲冷不止先君用濟

生犀角地黃湯頓愈後渴而喜熱又用當歸補
血湯而痊惟倦怠少食用七味白朮散而瘥○
一小兒患此飲冷不止或痘脹痛先君用濟生
犀角地黃湯并芹菜汁而頓愈

凡痘瘡出不快多屬於虛若誤謂執毒壅盛妄用
宣利之劑致臟腑受冷榮衛滯滯不能運達肌膚
則瘡不能起發充滿後不結實成痂并塌煩燥喘
渴而死

愚按前症亦有各經熱盛壅遏而出不快者亦

有_毒甚_痘疔_而不能_起發者亦有餘毒而潰_痒
者當_細審_其因_而藥_之○一_小兒九歲出_痘六
日_痒塌寒戰院使錢密庵用_{十一}味木香散二
劑_貫膿用_參芪托_裡散而_屬後_痕白_作痒用_十
全大補湯而愈○一_小兒痘_瘡膿未_滿面赤_作
痒余謂_氣血_虛而有_熱欲_用溫_補之劑不信乃
服_清熱_之藥至_{十二}日_瘡痕_色赤_虛煩_作渴_腹
痛不_食手_足逆_冷而_破○一_小兒未_過歲_痘瘡
爛_痛出_血哭_不能_已診_其母有_肝火_先用_小柴

胡加山旄生地與母服_于飲_數滴頓_愈又用_加
味_逍遙_散而_痊○一_小兒出_痘內有_痘疔_數枚
雖_挑破_出黑_血熱_毒不_解餘_痘不_發皆以_爲不
治_先若以_仙方_活命_飲徐_灌一_劑痘_疔解_而諸
痘_亦愈○一_小兒痘_疔患_在臀_間色_黑大_痛挑
出_黑血_仍服_堅痛_皆以_爲不_治先_若用_隔蒜_灸
數_壯痛_止色_淡而_軟挑_出黑_血甚_多灌_以活_命
飲_患處_及諸_痘貫_膿而_愈

凡_小兒_纔覺_傷風_身熱_是否_瘡疹_便服_四味_升麻

葛根湯

愚按痘疹未明而元氣實者最宜前湯若元氣虛者又當詳治恐發得表虛而痘難出也○一儒者年二十餘因勞役倦怠發熱服補中益氣湯數劑發赤點以爲疵另服升麻葛根湯一劑更加惡寒仍服益氣湯四劑至九日出痘甚多余用八珍湯加黃芪白芷紫草四劑至二十日膿始貫用十全大補湯月餘而靨

凡痘疹始出一日至五七日之間雖身熱或腹脹

足稍冷或身熱瀉渴或身熱驚悸腹脹或身熱出汗者服十一味木香散

愚按前症屬脾氣虛寒假熱非此藥不救如未應佐以六君子專補脾氣更不應加木香補骨脂肉苁蓉兼補腎氣○一小兒第五日不紅活至九日貫膿不滿余謂氣血虛弱用十全大補湯治之庶無後患不信至脫痂痕作痒色白至十四日而歿○一小兒第七日膿清不滿形氣倦怠飲食少思大便不實用托裡散一劑手足

指冷咬牙作渴用木香散倍用參芪一劑諸症頓退又用參芪四聖散四劑而愈

凡瀉水穀或白色或淡黃煎十一味木香散送七味肉苳蔻丸治之瀉止者住服不止者多服

愚按前症若察其外症若唇青指冷睡而露睛口鼻氣寒瀉色青白脾腎虛寒也用前藥六君子湯加補骨脂肉苳蔻若頰赤體熱睡不露睛口鼻氣熱瀉色黃赤脾土實熱也用瀉黃散○
一小兒腹脹渴瀉氣促體倦先君以為表裡俱

虛用六君子湯加歸芪送四神丸一服諸症頓退瘡勢頓正但膿遲而渴仍用前湯加歸芪一劑瘡色紅活形體頗安任其貫膿而痊

凡瀉頻津液內耗血氣不榮瘡雖起發亦不能屬也如身溫腹脹咬牙喘渴者難治緣穀食去多津液枯竭飲水蕩散真氣故多死矣速與十一味木香散救之如不應急用十二味異功散

愚按前症兼手足指冷面色青白等症者屬陽氣虛寒急用木香散陽氣脫陷用異功散脾氣

虛弱用六君子湯血氣虛弱用八珍湯不應
十全大補湯○一小兒第九日不紅活不貫膿
云歿於十二日陳院長謂屬虛寒用十一味木
香散一劑漸紅活貫膿又用紫草木香湯及人
參白朮散而愈○族姪孫衍慶六歲出痘稀少
瘡痂悉落至十二日身煩熱而畏寒手足逆冷
厚衣圍火不能溫皆謂不治余思大熱而不熱
者是無火也急用人參理中湯煎服一杯肢體
頓溫更用人參白朮散調理而痊○一男子年

二十餘發熱煩躁痘點出血足熱腰痛用聖濟
犀角地黄湯一劑而貫膿用地黃丸料數劑而
瘡靨○一男子年將二十出痘色紫作渴飲水
腰痛足熱耳聾余謂腎虛之症用加減八味丸
料煎與恣飲熱渴頓止佐以補中益氣湯加五
味麥門而愈○一小兒十一歲出痘色黯兩足
及腰熱痛便秘咽舌乾渴引飲不絕衆謂腎虛
不治先君用加減八味丸料作大劑煎與恣飲
至二十餘諸症悉退又佐以補中益氣及八珍湯

各十餘劑而痊

凡四五日不大便用嫩猪脂一塊以白水煮熟切
豆大與食之令臟腑滋潤使瘡痂易落切不可妄
投宜瀉之藥元氣內虛則瘡毒入裡多傷兒也

愚按前症若因熱內蘊宜用射干鼠粘子湯解
之或發熱作渴或口舌生瘡或咽喉作痛並宜
用之

凡瘡疹初出兩三日至十二日當忌外人及卒暴
風寒穢惡之氣輕者三次出大小不一頭面稀少

眼中無根窠紅肥滿光澤也重者一齊出如蚕種
灰白色稠密瀉渴身溫腹脹頭溫足冷也輕變重
者犯房室不忌口先曾瀉飲冷水餽涼藥也重變
輕者避風寒常和暖大便稠也

愚按丹溪先生云痘疹密則毒甚用人參敗毒
散犀角地黄湯或以涼藥解之雖數貼亦不妨
○下小兒痘疹密甚至九日貫膿不滿色不紅
活或云當放於十一日余以爲氣血虛弱用八
珍湯內加糯米百粒數劑至十五日膿完色正

結痲而愈○丁小兒五歲出痘密而色白屬虛弱也始未悉用補托之藥而安旬餘飲食過多忽作嘔吐面白兼青目唇牽動先君以為慢脾風症用五味異功散加升麻柴胡不信翌日手足時喘服前藥而不應急加木香乾薑一劑而愈○丁小兒第五日矣稠密色黑煩躁喜冷先君以為火極似水令恣飲冷芹汁煩熱頓止乃以地黃丸料服之至二十餘日而愈
凡身熱發煩渴者宜用六味人參麥門冬散治之

如不應_用七味人參白朮散

愚按前症若渴而飲冷者脾胃實熱宜用麥門冬散若渴而飲湯者氣虛熱渴宜用白朮散若大渴引飲面赤血虛發躁也用當歸補血湯凡痘瘡欲靨已靨之間而忽不能靨兼腹脹煩渴者急用十一味木香散

愚按前症若兼惡寒或四肢冷瘡毒去而脾胃虛寒也宜用前藥若十指逆冷咬牙等症陽氣脫陷也用十二味異功散脾氣虛陷用六君加

川芎當歸黃芪主之○一小兒九歲出痘第七日發熱煩躁不貫膿色灰白寒戰咬牙瀉渴腹脹手足冷時伸夏飲沸湯而不熱腹中陰冷先用木香散一劑益甚用異功散一劑頓安又用六君子加附子二分一劑後用調補之劑至十四日而愈

凡痘瘡欲靨已靨之間忽頭面溫足指冷或腹脹瀉渴氣促者急服十一味異功散若十一日當靨不靨身不壯熱悶亂不寧臥則哽氣煩渴嚙牙

者急用十一味異功散加歸朮以救陰陽表裡凡痘瘡已靨煩渴不止或頭溫足冷或腹脹或瀉或咬牙多致難愈急用十一味木香散以救之已上之症若誤與蜜水生冷之物則轉加熱渴而死愚按前症屬脾胃虧損內真寒而外假熱耳非溫補不救如前藥未應用十全大補湯加附子以純補之○一小兒頭生一癩出膿將愈忽癩間腫脹發痘二十餘顆遍身赤點用快斑湯而漸出用紫草散倍加參芪而出完用托裡消毒

散而膿貫用托裡散而瘡靨○一小兒痘已靨其痕色赤而錯縱日食粥七八碗作渴面赤先用白朮散一劑渴減五六粥減大半又用四君加蕪荑黃連一劑痕平色退乃用八珍湯加蕪荑黃山梔而痊○一小兒痘瘡愈後泄瀉飲食不化此脾腎氣虛用六君加補骨脂肉苁蓉治之而愈○一小兒痘瘡將愈患泄瀉侵晨爲甚飲食不化屬脾腎虛也朝用補中益氣湯夕用神丸而愈

凡身壯熱經日不除如無他症用六味柴胡麥門冬散治之熱退卽止如不愈服七味人參白朮散愚按前症若肝膽熱毒用柴胡麥門冬散若肝經血虛用四物湯加黃芪柴胡若中氣虛熱用人參白朮散

一男子患痘瘡作痛發熱不止其勢可畏皆以爲不起施銀臺用消毒救苦湯治之諸症頓退予先用仙方活命飲痛全止又用八珍湯加紫草二錢四劑貫膿而靨○一小兒患痘稠密太

痛發熱勢甚危急先君用消毒救苦湯一劑安
臥良久遍身出小痘頓消再劑俱貫膿而靨
凡身壯熱大便堅實或口舌生瘡咽喉腫痛皆瘡
毒未盡用四味射干鼠粘子湯如不應_六用七味人
參白朮散
愚按前症若壯熱飲冷屬熱毒在表宜用前湯
若兼大便不通屬熱毒在內少用四順清涼飲
若熱毒既去胃氣虛而發熱用七味人參白朮
散若因陰血虧損而發熱用四物湯

一 小兒六歲患痘第七日根顯赤痛大便秘結
小便赤澀煩躁飲冷或用清涼解毒之劑未應
錢密庵以爲熱毒內蘊用四順清涼飲一劑并
猪膽汁導下結盡而安又用犀角地黄湯其痘
自靨○一 小兒痘瘡發熱作渴飲赤脹痛大便
秘結先用四順清涼飲一劑諸症頓退又用四
味鼠粘子湯一劑諸症全退再用紫草湯而貫
膿用消毒飲而痘靨○一 小兒痘愈而聲瘖面
赤足心發熱小便赤少先君以爲腎經虛熱用

六味地黃丸補中益氣湯而愈其時患是症用
清熱解毒者俱不起○一小兒十一歲患痘第
四日根盤紅活起發因痛甚不止至七日形氣
甚倦痘色淡而欲陷此因痛盛而傷元氣也先
用仙方活命飲一劑而痛止再用八珍湯而貫
屬

凡風熱咳嗽咽膈不利用三味桔梗甘草防風湯
治之如不應用七味人參白朮散主之

愚按前症如痘熱內作宜用桔梗甘草防風湯

如兼痰熱咳嗽佐以抱龍丸若氣虛痰涎壅上
宜用人參白朮散以補脾肺○一小兒痘瘡十
一日患咳嗽十餘日不愈所服皆發表化痰余
曰此脾肺氣虛復傷真氣而變肺癰也不信仍
服前藥果吐膿血用桔梗湯而愈○一小兒痘
將愈咳嗽面色黃白嗽甚則赤用五味異功散
調補而愈

凡涕唾稠粘身熱鼻乾大便如常小便黃赤用十
六味人參清膈散如不應用七味人參白朮散

愚按前症屬脾肺蘊熱痘邪爲患用清膈散解
散邪氣若脾肺虛熱不能司攝用人參白朮散
調補中氣○一小兒痘赤壯熱咳嗽痰甚煩熱
作渴用人參清膈散一劑諸症頓退日用芹菜
汁旬餘而靨○一小兒痘瘡狂喘躁熱作渴飲
冷痰涎不利先君用十六味清膈散犀角地黃
湯各一劑頓愈又用當歸補血湯而愈○一小
兒痘赤狂喘大便不利先君治以犀角地黃湯
芹菜汁而痊○一小兒痘愈後涕唾口乾飲湯

鼻塞或腹作脹先用白朮散一劑後用六君子
湯而愈

凡痰實壯熱胸中煩悶大便堅實臥則喘急速用
五味前胡枳殼湯治之

愚按前症若因腸胃蘊熱宜急用前湯緩則熱
毒延內多致有悞○一小兒患痘赤痛痰喘作
渴大便不利錢密庵用前胡枳殼散一劑諸症
頓退又用濟生犀角地黃湯一劑月餘而愈○
一小兒第八日根窠赤腫脹痛作渴大便下黑

血煩渴痰喘飲冷呻吟求治施銀臺以爲血熱
毒蓄於內用聖濟犀角地黄湯一劑諸症悉退
又用消毒丸及化斑湯而愈○一小兒痘根色
赤作痛發熱口渴喜冷大便堅實用清涼飲一
劑痛熱少減再劑便利渴止却用聖濟犀角地
黃湯而安用芹菜汁而靨○一小兒痘根色赤
作痛熱渴喜飲冷水大便不利先用五味前胡
枳殼散大便利而熱渴減又用聖濟犀角地黄
湯而安用芹菜汁而靨○一小兒大便不利小

便赤澀作渴飲冷先君用涼膈散一劑漸愈又
用濟生犀角地黄湯及芹菜汁而痊若乳母有
肝火兒患此症必用加味道遙加黃芩犀角兼
治其母○一小兒痘已愈而痕赤作痛內熱作
渴一便不利先君用濟生犀角地黄湯及芹菜
汁而痊後用四物黃芪而安○一小兒痘痕白
或時痒作渴飲湯大便秘澀先君用五味異功
散加當歸黃芪而痊○一小兒痘痕白時或痒
先君以爲氣血俱虛用八珍湯補之不信自用

解毒之劑後卒變慢脾風而歿惜哉

凡飲冰雪不知寒者陽盛陰虛也飲沸湯不知熱者陰盛陽虛也陽盛則補陰木香散加丁香官桂陰盛則補陽異功散加木香當歸每一兩藥共加一錢

愚按陽盛者當用清涼飲以補陰陰盛者當用異功散以補陽須審的實而用若或少差死在反掌前云乃傳寫之誤

凡痘瘡首尾若誤飲冷水瘡靨之後其痂遲落或

生癰腫或成疔蝕蓋脾胃屬土而主肌肉水濕所傷則津液衰少榮衛澁滯不能周流故瘡痂遲落而生癰腫

愚按痘癰之類屬血熱未解而內作外邪搏於肌膚之間或餘毒蘊結經絡輕則肌表津滲癢痒重則肢節壅腫作痛若餘毒熾盛先用仙方活命飲以解其毒却用托裡消毒散毒氣將盡用四君歸芪以補托元氣大凡痘瘡始末皆係脾胃之氣所主若飲食藥餌失宜多致變症故

凡飲食少思內熱晡熱者屬脾胃氣虛血弱佐以四君芎歸黃芪升麻若飲食如常發熱作痛者屬氣血虛弱餘毒為患佐以射干鼠粘子湯若飲食如常發熱作痛大便秘結者屬熱毒內蘊用大連翹飲如不應仙方活命飲若根赤而作痒血虛也四物加牡丹皮色白而作痒血虛也四君加當歸芍藥色赤而作痛血熱也四物加連翹金銀花腫而不潰血氣虛也用托裡消毒散潰而不愈脾氣虛也用六君子湯○丁小兒痘毒蝕脂敷以雄黃散及服加味解毒散而愈○丁小兒痘毒遍身腐潰膿水淋漓以經霜茅草研末鋪於寢席更服九味解毒散頓愈用神效當歸膏敷之而痊○丁小兒痘毒後腿膝腫痛此脾腎虛而毒流注先用活命飲四劑腫痛頓減再用補中益氣湯及六味地黃丸而痊○丁小兒腿膝腫潰而膿水不止內熱晡熱體倦肌瘦先君以為元氣復傷用補陰八珍湯六味丸三月餘而愈○丁小兒痘已愈兩目昏閉

小兒痘疹方

先君用鼠粘子湯加山梔龍膽草犀角目開而有赤白翳佐以蛇蛻散外用一粉散尋愈凡瘡疹已屬未愈之間五臟未實肌肉尚虛血氣未復被風邪相搏則津液澁滯遂成疔蝕宜用雄黃散綿蠻散等藥治之久而不愈則潰多致不起愚按前症屬足陽明胃經其方解毒殺虫之劑若毒發於外元氣未傷者用之多效若胃氣傷損邪火上炎者用蕪荑湯六味丸若赤痛者用小柴胡湯加生地黃肝脾疔症必用四味肥兒

丸及人參白朮散更佐以九味蘆薈丸○丁女子痘痂將脫因其穢氣以湯浴已而身熱如炙四肢強直如發瘵然此滕理開泄熱毒乘虛而入用十全大補湯一劑頓安○丁小兒痘出甚密先四肢患毒膿潰而愈後口患疔涎蝕牙齦先用大蕪荑湯活命飲一劑各又用清胃散加犀角及蟬蛻丸而愈後發熱作渴口中作痛服蟬蛻丸搽人中黃而安

類集疹痘已效各方

葛根麥門冬散

治小兒熱毒斑疹頭痛壯熱心

神煩悶

葛根 三錢 人參 一錢 石膏 半兩 麥門冬 四錢

川升麻 甘草 茯苓 各一錢 赤芍藥 一錢

右為麤散每服三錢水一大盞煎至六分去滓徐徐溫服不拘時量大小增減

愚按前方足陽明胃經之藥也外除表邪內清胃火兼補元氣若非發熱作渴表裏有熱者不可用若表裡俱虛而發熱作渴者宜用人參麥

門冬散

生地黄散

治小兒癍疹身熱口乾咳嗽心煩者

生地黄 兩半 杏仁 欬冬花 陳皮 各三錢

甘草 一錢 麥門冬 去心七錢

右為麤散每服三錢水一大盞煎至六分去滓徐徐溫服不拘時量大小加減

愚按前方若肺經有熱者宜用此方若痰氣上壅佐以抱龍丸

惺惺散 七味

治小兒風熱瘡疹時氣頭痛壯熱目

泄多睡咳嗽喘促

桔梗炒

真細辛

人參

甘草

白茯苓

真川芎

白朮各一兩

右為麤散每服二錢水一大盞薄芎五葉生姜

三片同煎至六分去滓徐徐溫服不拘時候量

大小加減

愚按前症方若表虛風熱所乘而致諸症者宜

用此藥若表實內熱相搏而致諸症者宜用升

麻葛根湯若兼作渴飲冷者須用葛根麥門冬

西華書局藏書

散大凡瘡疹未出已出之間多增寒壯熱身體

疼痛大便黃稠此正病也若無他疾不必服藥

四味升麻葛根湯 治初發熱痘疹未明宜用此

湯以散之

白芍藥炒

川升麻

一兩甘草

葛根

一兩半

右為麤散每服二錢水一大盞煎至六分去滓

不拘時候徐徐溫服

愚按前方胃經發表之劑表實而熱毒壅滯於

肌肉者須用此藥以疎泄之恐虛其表而痘毒

小兒痘疹方

三

不能托出也

十一味異功散

木香 大腹皮 人參 桂心

赤茯苓 青皮 前胡 訶梨勒去核

半夏姜製 丁香 甘草炙各一二錢

右為麤散每服二錢水一大盞生姜二片同煎至六分去滓空心溫服量大小以意加減

愚按前方治痘瘡已出未愈之間其瘡不光澤不起發不紅活或已出一日至五七日間或泄

瀉作渴或肚腹作脹氣促作喘或身雖熱而腹脹足指冷或身熱而作渴或身熱而驚悸腹脹或身熱汗出不止或氣急寒戰咬牙或渴而飲不愈渴或瘡欲靨而不靨或瘡加欲落不落而反腹脹渴瀉足指寒冷或驚悸寒戰咬牙此脾胃終變虛寒津液衰少此發內經微旨陰陽蘊與非神於術者豈能言哉前症乃陽氣內虛寒而外假熱如癰疽脾胃虧損諸臟虛寒之敗症急用前散以救胃氣亦有可生者

十一味異功散

木香三錢當歸三錢人參二錢官桂二錢去粗皮

陳皮 丁香 肉苳蔻 厚朴姜製各二錢半

白朮二錢半夏姜製一錢茯苓二錢附子炮去皮一錢半

右為倉散每服二錢木下大盞半生姜五片肥棗二十枚煎至六分去滓空心溫服二歲兒作三服五歲兒作兩服一週兩歲兒作三五服病有大小以意加減此藥家傳五世累經效驗
愚按前方治痘瘡已出未出不起發不光澤不

紅活謂之表虛宜用此藥治之若已出未愈瘡不光澤或不起發不紅活或腹脹作渴泄瀉氣促謂之表裏虛寒急用此藥送豆蔻丸或十一日問不靨壯熱悶亂不寧臥則煩渴咬牙手足指冷數飲沸湯而不熱圍火重衾而仍寒悉屬表裏虛寒也王太僕云大寒而盛熱之不熱是無火也當益其心火急用前藥以回其陽亦有生者

肉苳蔻丸 七味 治瀉水穀或白或淡黃不能止者

木香

縮砂仁 二錢

白龍骨 半兩

赤石脂 七錢半

呵子肉 半兩

肉豆蔻 半兩

枯白礬 七錢半

右為細末稠麵糊為丸如黍米大一周歲兒每服二十五丸二歲兒服百丸溫米飲下瀉甚者煎木香散或異功散送下瀉止住服不住多服愚按前方治陽氣虛寒腸滑泄瀉之滋劑益腎主大便若因腎氣不固而致前症者宜用木香散送四神丸如不應急煎六君子湯送四神丸補之益豆蔻丸泄瀉之功多補益之功少也

人參麥門冬散

治痘瘡微渴

一名麥門冬散

麥門冬 一兩

人參

甘草 炙

陳皮

白木

厚朴

姜製各半兩

右為散每服三錢水一大盞煎至六分去滓徐徐溫服不拘時量大小加減愚按前方若痘瘡熱毒氣虛作渴宜用之若因氣虛弱作渴用人參白木散消毒散 治痘瘡六七日間身壯熱不大便其脈緊盛者用此藥以微利之 一名消毒飲

牛蒡子 四兩炒并

荆芥穗

甘草 炙各一兩

右為麤散每服三錢水一大盞煎至八分去滓不拘時徐徐溫服

愚按前方若毒在肌肉尚未能盡發而致斯症脉浮而緊者最宜此藥疎解其毒若痘頓輕脉沉而緊者毒在臟腑宜用前胡枳殼疎通以絕其源其痘尤輕

柴胡麥門冬散

治痘瘡壯熱經日不止更無他

症此藥治之

即六味柴胡麥門冬散

柴胡 二錢半

麥門冬 三錢

甘草 炙

人參 炙

黑參

各一錢半

龍胆草

炒一錢

右為麤散每服三錢水一大盞煎至六分去滓不拘時徐徐溫服量大小加減

愚按前方若痘瘡表熱根盤色赤熾痛作渴飲冷或兩目作痛或素有肝火而患痘瘡者尤宜用之

射干鼠粘子湯

治痘瘡壯熱大便堅實或口舌

生瘡咽喉腫痛皆餘毒所致

甘草炙

升麻

射干

各一兩

鼠粘子

四兩炒杵

右為麤散每服三錢水一大盞煎至六分去滓

徐徐溫服

愚按前方若痘瘡初出發熱熾痛根盤赤盛或咽喉口舌疼痛作渴飲引者宜用若因胃氣虛弱發熱而致前症者宜用人參麥門冬散

桔梗甘草防風湯

治風熱咽喉不利

桔梗炒

甘草炙

防風

各等分

右為麤末每服三錢水一大盞煎至六分去滓

徐徐溫服不拘時量大小加減

大黃

愚按前方若上焦風熱或痰涎上攻咽喉不利或口舌生瘡作渴引飲者須用此藥發散解毒痘雖出亦在輕淺

人參清膈散

治涕唾稠粘身熱鼻乾大便如常

小便黃赤宜用此方治之

人參

柴胡

當歸

芍藥

炒

知母炒

桑白皮炒

白木炒

黃芪

炒

紫苑

地骨皮

茯苓

甘草

桔梗

炒各一兩

黃芩

半兩

石膏

滑石

各一兩

右為麤末每服三錢水一大盞生姜三片同煎至六分去滓不拘時徐徐溫服量大小加減
愚按前症即癰疽因熱毒蘊結於臟腑經絡之間者當用此藥以疎導托理調和榮衛使邪氣退則元氣不傷而疔瘡易愈也

前胡枳殼散

治痰實壯熱胸中煩悶大便堅實

卧則喘急

前胡

枳殼

赤茯苓

大黃

甘草

炙各半兩

右為麤散每服三錢水一大盞煎至六分去滓不拘時量大小加減如身溫脉微并瀉者不可服

愚按前症若屬肺胃實熱氣鬱痰滯大便秘結小便赤澀煩渴飲冷身熱脉數者宜用之以表散外邪疎通內臟使邪氣不壅滯且疔瘡輕而易愈也

人參白朮散

治疔瘡已靨身熱不退此藥清神

生津除煩止渴

人參 白朮 藿香葉 木香

甘草 白茯苓 六味各一兩 乾葛 二兩

右為倉散每服二錢水一大盞煎至六分去滓不狗時徐徐服

愚按前症若痘瘡已靨身熱或津液少而口乾引飲者胃氣虛弱也宜用人參白朮散若腹脹泄瀉口乾足指寒冷者脾氣虛弱也宜用十一味木香散若形寒惡寒嘔吐不食腹脹瀉瀉等

症乃脾胃氣虛寒下陷也用六君子加胡麻姜桂如不應急加丁香若發熱煩躁身熱惡衣屬血脫發躁用當歸補血湯大凡痘瘡若脾胃氣虛弱出不快者誤以為熱毒壅盛用涼藥宣利解散致脾胃受傷元氣愈虛使瘡不起發不充滿不結靨不成痂而痒塌煩躁喘渴者死多矣凡痘瘡首尾不宜與水則瘡靨之後其痂落遲或生癰腫治失其法必成疔蝕瘡血水不絕甚則面黃唇白多致難愈蓋脾胃屬土而主肌肉故也

韶粉散

治小兒痘瘡纔愈而毒氣尚未全散瘡

痂雖落其癩猶黯或凹凸肉起當用此藥塗之

韶粉 一兩 輕粉 一錢

右研和入煉猪脂油拌勻如膏薄塗瘡癩上如

痘痂欲落不落當用此方

羊鬮骨髓 一兩

右煉入輕粉一錢研成白膏瓷合盛之塗瘡上

○如痘瘡痒悞搔成瘡及瘡痂欲落不落用上

等白蜜塗之其痂自落小無紫黑癩痕神妙

愚按前症若痘瘡痕赤而作痒屬血虛而有熱也佐以四物牡丹皮若痕白而作痒氣虛而有熱也佐以四君芎歸瘡痂欲落不落者脾經血氣虛入珍湯若發熱而大便秘結者腸胃內熱也犀角消毒丸發熱而大便調和者肺胃熱也麥門冬散膿水淋漓者肌表熱也用敗草散敷之

雄黃散

治小兒因痘瘡牙齦生疳蝕瘡

雄黃 一錢 銅綠 一錢

右一味同研極細量瘡大小乾糝

綿蜜散 治小兒因痘瘡餘毒肢體節髀上有痔

蝕瘡膿水不絕

出蟻綿蜜 不拘多少

右用生白礬搥碎實罈內以炭火燒礬汁乾取

出為末乾貼痔瘡口內如腫骨作痛更服活命

飲

愚按雄黃散清肝殺蟲解毒外治之方也其症

所感之經與所致之因各有不同各因手足陽

明經蘊熱所致者用犀角消毒散若因脾經痔

熱者用大蕪荑湯若因腎經虛熱者用地黃丸

若因肝經痔熱者用蕪荑湯送大蘆薈丸○其

綿繭散總治瘡毒膿水淋漓收斂之外劑若果

係內無餘毒而未痊者宜用斂之若因氣血虛

而不斂宜用托裡散若發熱腫痛大便不結用

仙方活命飲更以隔蒜灸法若腫痛作渴大便

秘結用四順清涼飲若大便已通腫痛未退仍

用活命飲若發熱倦怠大便調和用八珍湯加

犀角如瘡蝕未應急用隔蒜灸若發熱口乾肢體倦急用八珍湯加黃芪若飲食少思肢體倦急用五味異功散加當歸若膿水不絕而發熱用四物參芪丹皮若膿水不絕而惡寒用四君歸芪惡寒發熱者用八珍黃芪若乳母肝經血虛發熱用加味道遙散若肝經因怒發熱用加味小柴胡湯若肝經因鬱發熱用加味歸脾湯仍參前痘瘡首尾誤飲水證
穀精草散 治小兒痘瘡已靨眼目翳膜遮障瞳人癢澁淚出久而不退或十十三日瘡痂已落

其瘡癩猶黧或凹或凸此肌肉尚嫩不可澡浴及食炙煨辛辣有毒之物恐熱毒薰於肝膈目生翳障若不能守禁而致患者須用此治之

穀精草 兩 生蛤粉 一二兩

右爲細末以豬猪肝一葉用竹刀批片糝藥在內用草繩縛定入甕器內量用水慢火煮熟令兒食之

愚按前症若痘瘡愈後餘毒入於肺經而作痛者宜用此方羊肝散亦效若肝經熱毒眼睛作

小兒痘疹方
三十五
痛佐以小柴胡湯加生地黃或犀角地黃湯
解毒湯 治一切熱毒腫痛或風熱搔痒脾胃

黃連 三分 金銀花 連翹 各五分

右水煎服

愚按前症當審其臟腑部分及各隨所因而治
之若在乳下必當兼治其母

參湯散 治水痘

麻黃 一分 人參 一分 滑石 半分 地骨皮 半分

知母 各一分 羌活 各一分 甘草 炙半 大黃 一分 紙煨熟

甜葶藶 一分用濕紙炒

右爲末每服五分水一小盞入小麥七粒同煎
至十數沸每服三五匙不可多服

愚按前方發表散邪疎通內熱之峻劑若遍身
作痛壯熱煩躁作渴飲冷太便秘結小便澀滯
喘嗽等症宜用此方或前胡枳殼散然水痘多
屬表邪但若發熱飲引小便赤色者當用升麻
葛根湯如無他症不必用藥也

右小兒瘡疹無正方論雖有王譚錢氏之書止見

其方未見其源療之者往往以藥宜利解散因耗傷真氣遂至不救者多矣深可痛憫文中今將祖父秘傳方論集為一卷蓋守此方三十餘年全活者甚衆百不失一今合廣其傳使患者無枉天之禍醫者有活人之功此僕之夙心也

附方

三豆飲 治天行痘瘡始覺即服之少者必少少者不出等症

小赤豆 黑豆 綠豆 甘草節 半兩

右水煮熟任兒食之七日自不發紫草木通湯 治痘疹出不快

紫草 人參 木通 茯苓
糯米 各等 甘草 減半

右每一錢水煎服

升均湯 治痘瘡已出不勻或吐瀉發熱作渴

升麻 乾葛 芍藥 人參
白朮 茯苓 甘草 紫草 如無紅花代之
右每服三五錢姜水煎

參芪內托散

治痘疹裡虛發痒或不潰膿或為

倒靨等症

人參

黃芪炒

當歸

川芎

厚朴

姜製

防風

桔梗炒

白芷

官桂

紫草

木香

甘草

右入糯米一撮水煎服仍量兒加減

紫草快斑湯

治痘疹血氣不足不能發出色不

紅活等症

即紫草湯

紫草

人參

白朮

茯苓

當歸

川芎

芍藥

木通

甘草

糯米

右每服一錢水煎

人參胃愛散

治痘疹已發未發吐瀉不止不思

飲食等症

人參

藿香

紫蘇

木瓜

丁香

茯苓

甘草

糯米

右每服二錢姜棗水煎

紫草木香湯

治痘疹裏虛痒塌黑陷悶亂

小兒痘疹方

三

紫草

木香

茯苓

白朮

人參

甘草

糯米

右每服三錢水煎

大如聖飲子

治瘡疹癰疽毒攻咽喉腫痛熱渴

或成腫毒不消等症

麥門冬

半兩桔梗

甘草

鼠粘子

炒各一兩

右每服一錢水煎

四聖散

治痘疹出不快及倒靨

紫草茸

木通

甘草

炙

枳殼

炒

黃芪

各等分

右每服一錢水煎

獨聖散

治痘瘡倒靨陷伏用川山甲取前足嘴

上者燒存性為末以木香湯入少酒服之

快透散

治痘瘡出不快等症

紫草

蟬蛻

木通

芍藥

甘草

炙各等分

右每服一錢水煎

愚按海藏先生云身後出不快足太陽經也用

荆芥甘草防風湯身不前出不快手陽明經也用
升麻葛根湯四肢出不快足陽明經也用防風
芍藥甘草湯此皆解毒升發之劑也不可不知
鼠粘子湯 治癩疹稠密身熱等症

鼠粘子

大芥子

炒當歸

甘草

炙各一錢 柴胡

連翹

黃芩

黃芪

各一錢半 地骨皮 一錢

右每服一錢水煎

紫草散 治痘疹黑陷氣血虛弱瘡疹不起

紫草

甘草

黃芪

炙 糯米 各一錢半

右水煎服

益元散 治痘疹初煩躁作渴等症

滑石

六兩 甘草 一兩

右各另為末每服五六分白湯調下

活血散 治痘疹血虛熱已出未盡煩躁不寧肚

腹疼

白芍藥

一兩 酒炒

右為末每服一匙糯米湯調下荔枝湯亦可對
四君子湯加歸芪名參歸活血散

參芪四聖散 治痘瘡有熱出至六七日不能長
不生膿或作痒

人參

黃芪炒

白朮炒

茯苓

當歸

芍藥炒

川芎

紫草如無紅

花代之

木通

防風各三分

糯米二百粒

右水一盞煎半盞徐徐服

人參透肌飲 治痘瘡虛而有熱雖能出快長不
齊整隱於肌膚間者

人參

白朮

茯苓

紫草

如無紅
花代之

當歸

芍藥

木通

蟬退

甘草

糯米

各等分

右每服二錢水一盞煎半徐徐服

大連翹飲 治積熱大小便不利及痘後餘毒不
解肢體患瘡或丹瘤遊走不止

連翹

瞿麥

荆芥

木通

赤芍藥

當歸

防風

柴胡

滑石

蟬退

甘草

各一錢

山梔

炒

黃芩

炒各五分

右每服三錢水煎一歲每服一二匙三五歲者每服數匙

愚按前方苦寒辛散發散肌表疎通內臟之劑若表裏實熱煩躁飲冷大便不通小便秘結者最宜用之慎不可過劑恐復傷胃氣而變他症也若妄發之則成斑爛妄下之則成虛脫

胡荽酒 治穢氣使痘疹出快

右用胡荽一把以好酒一盞煎一兩沸令乳母每含一兩口噴兒遍身勻噴頭面房中須燒胡

荽香能辟除穢氣使痘疹出快煎過胡荽懸掛房門上最妙

愚按前方最宜用之若痘疹已出而飲食少思宜用棗炙之兒聞棗香尤能開胃氣進飲食解毒氣若因飲食停滯未及消導遂用此法恐反助其邪以生濕熱則成痘毒也

甘露飲子 治積熱及痘後咽喉腫痛口舌生瘡

齒斷宣腫

生地黃炒 熟地黃 天門冬去心 麥門冬去心

黃芩炒

石斛

枳殼麩炒

枇杷葉去毛

茵陳

甘草炙各等分

右每三錢水煎每服三五匙不可多服

愚按前方涼血解毒除濕清熱寒中之劑治者

審之

托裡散 治痘毒元氣虛弱或行尅伐不能潰散

用之未成自消已成自潰

人參

黃芪炒各二錢

當歸酒洗

白朮

陳皮

熟地黃

茯苓

芍藥炒各一錢五分

甘草炙五分

右三五錢水煎服

托裡消毒散 治痘毒氣血虛弱不能起發腐潰

收斂或發寒熱肌肉不生

人參

黃芪炒

當歸酒洗

川芎

芍藥炒

白朮炒

陳皮

茯苓各一錢

金錢花

連翹

白芷各七分

甘草五分

右每三五錢水煎服

八正散 治下焦積熱大小便不通或小便淋漓

脉症俱實者

大黃

酒炒

車前子

炒

瞿麥

篇蓄

山梔

炒

木通

各一錢

滑石

煨二錢

甘草

一錢

右每二錢水煎服

涼膈散

治上焦實熱煩渴面赤熱頭昏咽燥

咽痛口瘡便溺赤瀉狂言譫妄睡卧不安

大黃

朴硝

甘草

各二兩

連翹

梔子仁

薄荷葉

各二錢

右為末每服一錢竹葉蜜些少煎服

解毒防風湯

治痘瘡毒氣熾盛

防風

地骨皮

黃芪

白芍藥

炒

荆芥

牛蒡子

右每服四錢水煎服或為末白湯調下

人參理中湯

治中氣虛熱

人參

白朮

炒

甘草

各等分

右每服一錢姜棗水煎服為末姜汁糊丸葉豆

大每服二三十丸白湯下亦可

六君子湯

治脾胃虛弱不思乳食或嘔吐泄瀉

飲食不化或時患^上飲食停滯

人參

白朮

茯苓

各一錢

陳皮

半夏

甘草

各一錢

右每服一二錢姜棗水煎

補中益氣湯

治中氣不足困睡發熱或元氣虛

弱感^上風寒諸症

黃芪

炙

人參

白朮

炒

甘草

炙

當歸

陳皮

各五分

升麻

柴胡

各一分

右姜棗水煎

瀉黃散

治脾胃實熱

藿香葉

甘草

各七錢半

山梔仁

一兩

石膏

半兩

防風

一二兩

右用蜜酒微炒為末每服一二錢水煎

五味異功散

治脾胃虛弱吐瀉不食

人參

茯苓

白朮

甘草

炒

陳皮

各等分

右為末每服三錢姜棗水煎

四君子湯

治脾胃虛飲食不化或泄瀉嘔吐

人參 白茯苓 白朮 甘草各五分
右水煎服

四物湯 治肝脾血虛發熱日晡益甚或煩躁不寐

當歸二錢 熟地黃二錢 川芎五分 白芍藥炒一錢
右作一劑水煎服

桔梗湯 治咳嗽吐膿痰中有血已成肺癰

桔梗炒 貝母 當歸酒浸 瓜蒌仁
枳殼麩炒 薏苡仁 桑白皮炒 百合蒸各一錢五分

五味子炒 甜葶藶炒 地骨皮 知母炒

甘草節 防己 黃芪 杏仁炒各五分

右每服一二錢水煎
四順清涼飲 治積熱頰赤作渴四肢驚掣大便

秘瀉ラ
芍藥 當歸 甘草 大黃各等分

右每服一錢水煎

瞻餘丸 治無辜疔症二服 虛熱退二服 煩渴止三服 瀉痢愈

蟾蜍一枚夏月溝渠中取腹大不跳不鳴身多癩者

右取糞蛆一杓置桶中以尿浸之却將蟾蜍跌死投與蛆食一晝夜用布袋盛蛆置急流中一宿取出瓦上焙乾為末入麝香一字粳米飯丸麻子大每服一二十丸米飲下甚效

人參敗毒散 治傷風時氣寒熱咳嗽

人參 茯苓 甘草炒 前胡

川芎 羌活 獨活 桔梗

柴胡 枳殼 各等分

右為末每服一二錢生姜薄荷水煎

仙方活命飲 治一切瘡毒未成肉消已成即潰此消毒排膿止痛之聖藥也若膿出而腫痛不止元氣虛也當用托裡散之類

川山甲 白芷 防風 沒藥

甘草 赤芍藥 當歸尾 乳香

天花粉 貝母各一錢 金銀花 陳皮各二錢

皂角刺二錢

右每服一二錢酒水各半煎

神効隔蒜灸法 治痘疔毒氣熾盛使諸痘不能起發已起發者不能貫膿已貫膿者不能收靨或大痛或麻木痛者灸至不痛不痛者灸至痛其毒隨火而散京師嘗見治此者卽以線針挑破出血諸毒隨時貫膿若挑破不痛不出血者難治若用此法灸之卽知痛更用針挑破紫血隨出諸痘隨貫亦有生者其法用大蒜頭切三分厚安痘疔上用小艾炷於蒜上灸之每五壯易蒜再灸若紫血出後腫痛不止尤宜當灸

治者審之

神效當歸膏 治痘毒津滯或湯火等瘡不問已潰未潰

麻油 六兩 當歸 黃蠟 生地黃 各兩

右先將當歸地黃入油煎黑土香入蠟融化候冷攪勻卽成膏矣

蛇蛻散 治痘毒日翳

蛇蛻 二錢 瓜萸仁 半兩 研爛

右用羊肝一片批開入藥末一錢線扎緊用米

此藥熟類與兒食或乳母食

荆芥甘草防風湯 解痘毒

荆芥 甘草 防風 各等分

右每服一錢水煎

防風芍藥甘草湯 解痘毒

防風 芍藥 甘草 各等分

右每服一錢水煎

麻黃甘草湯 治表實痘毒熾盛

麻黃 五分 生甘草 二分

右水煎服

輕粉散 治出痘眼內生翳

真輕粉 黃丹 各等分

右研左眼有翳吹入右耳右眼有翳吹入左耳

更以菜豆皮穀精草白菊花各一兩為末每服

二三錢乾柿一枚米泔一盞煎乾將柿去核食之

不拘時候日二三枚

成都方士禹太和云治痘瘡黑陷垂死者用壁

間喜蜘蛛如黃豆者一枚搗爛若一歲兒用雄黃

一厘一歲者用一厘十歲者一錢再同珠璣研
勻用好燒酒一杯調和徐徐服之余意此方即
同前十一味與十一味異功散之相類也若因
陽氣虛寒不能營運周身以致四肢逆冷腹脹
唇青其色黑黯者宜用燒酒若因元氣虛乏或
色淡白隱隱見於肌膚而不能起發者宜用陳
酒亦可不可拘滯於燒酒也若小兒未週歲者
宜酌量與與之亦不可拘於杯許也又有二
等氣血俱虛者或色淡紅而不光澤又不起發或

驚悸咬牙用紫草與紅花以陳煮酒濃煎
服之亦可以保其全生也用者宜審諸

抱龍丸 治痰熱喘嗽發熱驚悸不安亦能發痘
瘡

- 膽星 四兩
- 天竺黃 一兩
- 雄黃
- 硃砂 各半兩
- 射香 少許

右為細末用甘草一觔煮汁為丸每十兩作二十
十丸用薄荷或燈心草湯化下
造膽星法南星不拘多少腊月臘水浸洗切塊

晒乾爲末用黃牛膽汁拌勻仍用牛膽殼裝入
填滿以線扎口懸掛當風處陰乾隔年方可用
愚按前方清熱盜痰利氣之藥過劑則脾胃復
傷而反不愈或更加胸腹作脹飲食作嘔者宜
用人參白朮散培補中氣

五福化毒丹 治胎毒及痘後頭面生瘡眼目腫
痛

生地黃 熟地黃 天門冬去心 麥門冬去心
玄參各二兩 甘草 甜硝各三兩 青黛一兩五錢

右爲末煉蜜丸大每服一丸白湯化下
愚按前方生血涼血解毒寒中之劑用之得宜
殊有良驗不過一二丸

犀角消毒丸 治諸積熱及痘疹後餘毒生瘡

生地黃 防風 當歸 犀角屑鎊
荆芥各一兩 牛蒡子炒 赤芍藥 連翹
桔梗各七錢 薄荷 黃芩炒 甘草各半兩
右爲末煉蜜丸大每服一丸薄荷湯下
愚按前方清熱解表涼血破血消毒損胃之劑

多不過一二服大凡痘毒當發前痘瘡快飲冷水韶粉散治法用之餘做此

敗草散 治痘瘡搗搗成瘡膿水淋漓謂之斑爛用屋爛草或葢牆爛草多年者佳如無曠野生者尤佳為末搽之

愚按前症亦有氣血虛熱而不愈者如遍身患者須多摻鋪席上令兒坐臥其瘡即愈

羊肝散 治痘毒入眼或無辜疰氣入眼

蜜蒙花 青箱子 决明子 車前子 炒

右為末用蜜蒙花末二錢餘藥各一錢拌勻用羊肝一大葉薄批摻上濕紙裹煨熟空心早食之

愚按前症若因肝經風熱傷血宜用本方若因肝經血虛風燥宜用四物湯加山梔釣藤釣牡丹皮若因肝經血虛生風或腎水不能生肝木宜用六味丸若成肝疴者用六味地黃丸以滋肝腎用四味肥兒丸加人參白朮以補肝脾
一小兒痘瘡日生昏翳或作或徹服退翳之藥

不愈診之脉弦細而數此乃肝腎有痘症余用九味蘆薈丸及六味地黃丸又與輕粉黃丹散尋愈

一小兒患兩目赤腫痛不可當此肝火為患用四物合小柴胡加山梔牛蒡子生甘草倍用穀精草數劑而愈

一小兒痘愈後眼痛不開用犀角地黃湯加柴胡湯一劑而開又生赤翳迷滿仍用前藥加穀精草治之而愈

蟬菊散 治癩瘡入眼或病後生翳障

蟬蛻 洗淨去土 白菊花 各等分

右每服一錢水一盞入蜜少許煎乳食後量兒大小與之

羌菊散 治痘毒上攻生翳并暴赤羞明

羌活 蟬蛻 防風 蛇蛻

菊花 穀精草 木賊 甘草

山梔子 白蒺藜 大黃 黃連

沙苑蒺藜 各等分

右為末每服一錢清米泔溫煖調下

丹粉散 治痘毒膿水淋漓

輕粉 黃丹 各五分 黃連末 二錢

右研勻搽患處

羚羊角散 治小兒癩疹後餘毒不解上攻眼目

生翳羞明眵淚俱多紅赤腫閉

羚羊角 鎊 黃芩 黃芪 草決明

車前子 升麻 防風 大黃

芒硝 各等分

右以水一錢煎半錢去滓稍熱服

消毒化癩湯 治小兒癩疹未滿二十一日面目

疾作者餘症上同 卽消毒救苦湯

羌活 五分 薑本 二分 細辛 一分 黃連 二分

黃芩 一分 酒芩 二分 酒栢 三分 生地黃 三分

麻黃 五分 升麻 五分 白朮 一分 蒼朮 二分

生甘草 一分 吳茱萸 半分 陳皮 一分 紅花 半分

蘇木 一分 當歸 二分 連翹 三分 防風 五分

川芎 五分 葛根 一分 柴胡 二分

右作一服水一錢煎至一錢去滓稍熱服

穀精草散 治痘疹已靨翳膜遮障瞳子等症

穀精草 兩 蛤粉 黑豆 各二兩

右為末用雄猪肝一葉竹刀批開摻藥在內以

麻線縛定砂罐內水煮熟令兒食之

當歸補血湯 治血氣損傷或妄服峻劑致氣血

益虛肌熱太渴引飲目赤面紅脉洪大而虛重

按全無此病多得於飢飽勞役者

當歸 三錢酒製

右水煎乳母同服

濟生犀角地黄湯 治鬱熱不解經絡隨氣湧泄

為衄血或清道閉塞流入胃脘吐血或餘血停

滯面色痿黃大便色黑者

犀角 生地黃 白芍藥 牡丹皮 各一錢

右水煎服乳母同服

四神丸 治脾胃虛弱大便不實飲食不思或泄

利腹痛等症

肉豆蔻 補骨脂 五味子 吳茱萸 浸炒

右為末生薑八兩紅棗一百枚煮熟取棗肉和
采丸桐子大每服五七十九空心或食前白湯
服去五味子吳茱萸名一神丸

四味肥兒丸 治小兒食積五疳或白禿體瘦肚

大筋青髮稀成穗或遍身瘡疥等症

蕪荑炒 神麴炒 麥蘖炒 黃連各等分

右為末猪胆汁九黍米大每服一十九木通

煎湯下

九味蘆薈丸 治小兒肝脾疳積體瘦熱渴大便

不調或癰癤結核耳內生瘡等症

胡黃連 黃連 蘆薈 木香

蕪荑炒 青皮 白雷丸 鶴膝草各一兩

麝香二錢

右為末蒸餅糊丸麻子大每服一錢空心白湯下

大蕪荑湯一名菟子茯苓湯 治小兒脾疳少食發熱作渴

大便不調髮黃脫落面黑便清鼻下生瘡能乳

食土等症

山梔 二分

黃柏

甘草

炙各二分

蕪荑

五分

黃連

防風

各一分

麻黃

羌活

柴胡

各二分

白朮

茯苓

當歸

各四分

右每服一匙二錢水煎

濟生歸脾湯

治脾血虧損健忘驚悸等症

人參

黃芪

茯神

各一錢

甘草

炙五分

木香

五分

白朮

炒一錢

遠志

酸棗仁

炒

龍眼肉

當歸

各一錢

右水煎服

愚按前方若乳母憂思傷脾血虛發熱食少體倦或脾不能攝血以致妄行吐衄或健忘怔忡驚悸少寐或心脾作痛自汗盜汗或肢體腫痛大便不調或經候不准晡熱內熱或唇瘡流注等症致為患者用之令子母俱服

八味地黃丸即錢氏地黃丸加肉桂附子各一兩愚按前方治稟賦命門火衰不能生土以致脾土虛寒或飲食少思或不化臍腹疼痛夜多漩溺等若病久元氣耗損所致尤宜用之或

乳母命門火衰兒飲其乳以致前症者母宜服
之

加減八味丸即六味地黃丸加肉桂一兩五味子
四兩治稟父腎陰不足或吐瀉久病津液虧損
口乾作渴或口舌生瘡兩足發熱或痰氣上湧
或手足厥冷等症

八珍湯即前四君子四物一湯相合

愚按前方治氣血俱虛或因尅伐之劑脾胃虧
損肌肉消瘦發熱寒熱飲食少思等症

十全大補湯即八珍湯加黃芪肉桂

愚按前方氣血虛弱或稟賦不足寒熱自汗食
少體瘦發熱作渴頭痛眩暈

逍遙散 加牡丹山梔名加味逍遙散

當歸 甘草 芍藥 茯苓

白朮 柴胡 牡丹皮 山梔

右水煎服

愚按前方若乳母肝脾血虛內熱或遍身搔痒
寒熱或肢體作痛頭目昏重或怔忡頰赤口燥

咽乾或發熱盜汗食少不寐或口舌生瘡耳內作痛或胸乳腹脹小便不利致兒為患者尤宜用之

九味龍胆瀉肝湯

治肝經濕熱或囊癰下疳便

毒小便清滯或陰囊作痛小便短少

愚製

木通

車前子

炒當歸尾

澤瀉

各五分

甘草

黃芩

生地黃

山梔

各三分

龍胆草

酒炒五分

右水煎母子同服

抑肝散

治肝經虛熱發搐或發熱咬牙或驚悸

寒熱或木乘土而嘔吐痰涎腹膨少食睡卧不

安

愚製

欬柴胡

甘草

各五分

川芎

八分

當歸

白木

茯苓

釣藤鈎

各一錢

右水煎子母同服

梔子清肝散

一名柴胡梔子散

治三焦及足少陽經風熱

耳內作痒生瘡或水出疼痛或胸乳間作痛或

寒熱往來

柴胡 一錢 梔子 錢炒一 牡丹皮 錢一 茯苓

川芎 芍藥 當歸 牛蒡子 錢炒各七分

甘草

右水煎子母服若太陽頭痛加羌活

柴胡清肝散 治鬢疽及肝胆二焦風熱怒火之

症或項胸作痛瘡毒發熱愚製

柴胡 半錢 黃芩 炒 人參 川芎 各一錢

山梔 錢炒一 連翹 甘草 五分 桔梗 八分

右水煎子母同服

小柴胡湯 加山梔牡丹皮 治傷寒溫熱身熱惡風

頭痛項強四肢煩疼往來寒熱嘔噦痰實中暑

瘧疾並服之闕註

柴胡 二錢 黃芩 錢炒一 人參 半夏 各七分

甘草 炙五分

右姜水煎子母同服

愚按前方若肝胆經風熱肝火癰癥寒熱往來日晡發熱潮熱身熱不欲飲食或怒火口苦耳聾咳嗽或脇痛胸滿小便不利或泄瀉吐酸苦

水或肢體搐動唇目抽劄並宜用之

砂法 治丹毒疔瘡紅絲走散或時毒癩血壅盛
或色赤走胤用細磁器擊碎取有鋒芒者以筋
劈開頭夾之麻線纏定兩指輕撮筋稍令磁芒
正對患處懸寸許再用筋頻擊

神功散 治痘毒腫焮作痛未成者敷之即散已
潰者敷之腫痛即消

黃栢炒

草烏炒

血竭加

右為末等分津調敷患處

製附子法

附子重一兩三四錢有蓮花瓣頭圓底平者先
備童便五六碗將附子先放在竈上煙櫃中間
良久乘熱投入童便浸五七日候潤透揭皮切
四塊仍浸一二十日用粗紙數層包之浸濕埋灰
火半日取出切片檢視有白星者乃用瓦上炙
熟至無白星為度如急用即切太片用童便煮
一二十沸熟瓦熟用之

丹溪先生解瘡毒藥

小兒痘疹方論

本

絲瓜 升麻 芍藥 酒炒 生甘草

山查 黑豆 赤小豆 犀角 分 鎊各等

右為瀨散每服三錢水一太盞煎至六分去滓不拘時徐徐溫服量大小加減

稀痘方

用老鼠去皮取肉水煮熟量兒大小與食數次出痘甚稀未食瘡時與食尤効屢試屢驗

小兒痘疹方論終



灌漿水



結痂 寒戰

上痒場

咬牙

聲啞

倒靨面

根窠

音志 煩躁

痂 結痂

起脹 費膿

收靨面

凹凸

凹凸

寒戰咬牙十有寒戰熱毒上虛寒二證... 活幼建中湯... 托如(用)ハ多ハ活幼建中湯... 手引草見タリ

建中湯

生薑一片 芍藥一兩 後寒戰咬牙者同... 活幼

年

名目

十

三



四

四

五

日色

五

六

六

六

六

六

六

六

六

六

六

六

六

六

六

古

屋

要



